

【一闡提】（科註第962頁第一行第468集2012年8月14日）

《佛學大辭典》（節錄）：（術語）icchāntika，為無成佛之性者。舊稱，一闡提。譯言不信。是不信佛法之義。

涅槃經五曰：「無信之人，名一闡提。一闡提者，名不可治。」

同五曰：「一闡提者，斷滅一切諸善根本，心不攀緣一切善法。」

同十九曰：「一闡提者，不信因果，無有慚愧，不信業報，不見現及未來世，不親善友，不隨諸佛所說教戒。如是之人，名一闡提，諸佛世尊，所不能治。」

同二十六曰：「一闡名信，提名不具，不具信故，名一闡提。」